

海八德經

涸胡開反注洋上烏荒反崖魚佳反玟音霖
 兩上音質亮下力愴怕上徒敢反彈遣上丹反
 榮紆定擊一計淵與下烏告反溝港上古侯
 講入流也

佛說柰女耆域因緣經

辭八

後漢三藏法師安世高譯

如是我聞一時佛在羅閱祇國與大比丘千
 二百五十人俱菩薩摩訶薩天龍八部大衆
 集會說法時世人民施者無量有一貧人唯
 有一爛壞手巾意欲布施懼此物惡猶豫未

乙

總刊

決尔時坐中有一比丘尼名曰柰女即從座
 起整服作禮長跪叉手白佛言世尊我自念
 先世生波羅柰國為貧女人時世有佛名曰
 迦葉時與大衆圍遶說法坐聞經歡喜意欲
 布施願無所有自惟貧賤心用悲感詣他園
 圍求乞果菴當以施佛時得一柰大而香好
 擎一盃水并柰一枚奉迦葉佛及諸衆僧佛
 知至意呪願受之分布水柰一切周普緣此
 福祚壽盡生天得為天后下生世間不由胞
 胎九十一劫生柰華中端正解潔常識宿命
 今值世尊開示道眼尔時柰女以偈頌曰
 三尊慈潤普 慧度無男女 水果施弘報

緣得離衆苦 在世生華中 上則為天后
自歸聖衆祐 福田最深厚
比丘尼柰女禮已還坐

佛在世時羅耶黎國國王苑中自然生一柰
樹枝葉繁茂實又加大既有光色香美非凡
王寶愛此柰自非中宮尊貴美人不得啖此

柰果國中有梵志居士財富無數一國無雙
又聰明博達才智超群王重愛之用為大臣
請梵志飯食畢以一柰實與之梵志見柰
香美非凡乃問王曰此柰樹下寧有小栽可
得乞不王曰大多小栽吾恐妨其大樹輒除
去之卿若欲得今當相與即以一柰栽與梵

志梵志得歸種之朝夕溉灌日日長大枝條
梵好三年生實光彩大小如王家柰梵志大
喜自念我家資財無數不減於王惟無此柰
以為不如今已得之為無減王既取食之而
大苦澀了不可食梵志大愁惱乃退思惟當
是土無肥潤故耳乃提取百牛之漣以飲一

牛復取一牛漣前之為醍醐以灌柰根日日
灌之到至明年實乃甘美如王家柰而樹邊
忽復生一瘤節太如手拳日日增長梵志心
念忽有此瘤節恐妨其實適欲斫去恐復傷
樹連日思惟遲徊未決而節中忽生一枝正
指上向洪直調好高出樹頭去地七丈其杪

廿八

二

塊

乃分作諸枝周圍傍出形如偃蓋華葉茂好
勝於本樹梵志怪之不知枝上當何所有乃
作棧閣登而視之見枝上偃蓋之中乃有池
水既清且香又有衆華彩色鮮明披視華中
有一女兒在池花中梵志抱取歸長養之名
曰柰女至年十五顏色端正天下無雙宣聞
遠國有七國王同時俱來詣梵志所求媵柰
女以為夫人梵志大恐怖不知當以與誰乃
於園中架一高樓以柰女著上出謂諸王曰
此非我所生自出於柰樹之上不知是天龍
鬼神女耶鬼魅之物今七王俱來求之我設
與一王六王當怒不敢愛惜也女今在園中

樓上諸王便自平議有應得者便自取去非我所制也於是七王口共爭之紛紜未決至其夕夜萍沙王從伏竇中入登樓就之共宿明晨當去柰女白曰大王幸枉威尊接逮於我今復相捨而去若其有子則是王種當何所與王曰若是男兒當以還我若是女兒便

以與汝王則脫手金鏤之印以付柰女以是為信便出語群臣言我已得柰女一宿亦無奇異故如凡人故不取耳萍沙軍中皆稱萬歲曰我王已得柰女六王聞之便各還去萍沙王去後遂便有身時柰女勅守門人言若有求見我者當語言我病後日月滿生一

辭八

三

經

男兒顏貌端正兒生則手持針藥囊梵志曰此國王之子而執醫器必醫王也時柰女即以白衣裹兒勅婢持棄著巷中婢即受勅抱往棄之時王子無畏清旦乘車往欲見大王遣人除屏道路時王子遙見道中有白物即注車問傍人言此白物是何等荅言此是小

兒問言死活荅言故活王子勅人抱取是覓乳母養之以活梵志將此小兒還付柰女名曰耆域至年八歲聰明高才學問書疏越殊倫匹與隣比小兒遊戲心常輕諸小兒以不如已諸兒共罵之曰無父之子姪女所生何敢輕我耆域愕然默而不荅便歸問母曰我

視子曹皆不如我而反罵我言無父之子我父今耆為在何許母曰汝父者正萍沙王是也耆域曰萍沙王乃在羅閱祇國去此五百里何緣生我即如母言何以證之母則出印錄示之曰此則汝父鏤也耆域省之見萍沙王印文便奉持此鏤往到羅閱祇徑入宮門門無訶者即到王前為王作禮長跪白王言我是王子柰女所生今年八歲始知是大王種類故持鏤印信遠來歸家王見印文覺憶昔之誓知是其子愴然矜之以為太子涉歷二年會阿闍貫王生耆域因白曰我初生時手把針藥囊是應當為醫也王雖以我為太

子非我所樂王今自有嫡子生矣應襲尊嗣
我願得行學醫術王則聽之王曰汝不為太
子者不得空食王祿應學醫道王即命勅國
中諸上手醫盡術教之而耆域但行嬉戲未
嘗受學諸師責謂之曰醫術鄙陋誠非太子
至尊所宜當學然大王之命不可違廢受勅

已來積有日月而太子初不受半言之方若
王問我我何以對耆域曰我生而有醫證在
手故白大王捐棄榮豪求學醫術豈復懈怠
須師督促直以諸師之道無足學者故耳便
取本草藥方針脉諸經具難問師師窮無以
答皆下為耆域作禮長跪叉手曰今日益知

辭八

四

釋

太子神聖實非我等所及也向所問諸事皆
是我師歷世疑義所不能通願太子具悉說
之開解我曹生年之結耆域便為解說其義
諸醫歡喜皆更起頭面作禮承受其法
尔時耆域即自念言王勅諸醫都無可學者
誰當教我學醫道時彼聞德义尸羅國有醫

姓阿提黎字賓迦羅極善醫道彼能教我尔
時耆域童子即往彼國詣賓迦羅所白言大
師我今請仁者以為師範從學醫術經七年
已自念言我今習學醫術何當有已即往師
所白言我今習學醫術何當有已時師即與
一籠器及掘草之具汝可於德义尸羅國面

一由旬求覓諸草有非是藥者持來時耆域
即如師勅於德义尸羅國面一由旬求覓非
是藥者周竟不得非是藥者所見草木一切
物善能分別知所用處無非藥者彼即空還
往師所白如是言師今當知我於德义尸羅
國求非藥草者面一由旬周竟不見非藥者

所見草木盡能分別所入用處師答耆域言
汝今可去醫道已成我於閻浮提中最高第
一我若死後次復有汝

於是耆域便行治病所治輒愈國內知名後
欲入宮於宮門前逢一小兒擔樵耆域望視
悉見此兒五藏腸胃縷述分明耆域心念本

辭八

五

釋

草經說有藥王樹從外照內見人腹藏此兒
樵中得無有藥王耶即往問兒賣樵幾錢兒
白十錢便雇錢取樵下樵置地便聞冥不見
樵中耆域更心思惟不知束中何所爲是藥
王便解兩束一一取之以著小兒腹上無所
照見輒復更取如是盡兩束樵最後有一小
枝莖長尺餘試取以照具見腹內耆域大喜
知此小枝定是藥王悉還兒樵兒既已得錢
樵及如故歡喜而去

尔時耆域自念我今先當治誰此國既小又
在邊方我今寧可還本國始開醫道於即還
歸婆伽陀城婆伽陀城中有大長者其婦十
二年中常患頭痛衆醫治之而不能差時耆
域聞之即往其家語守門人言白汝長者有
醫在門外時守門人即入白門外有醫長者
婦問言醫形貌何似荅言是年少彼自念言
老宿諸醫治亦不瘥况復年少即勅守門人
語言我今不須醫守門人即出語言我已爲

汝白長者長者婦言今不須醫耆域復言汝
更白汝長者婦但聽我治若差者隨意與我
物時守門人復白之醫作如是言但聽我治
若瘥隨意與我物長者婦聞已自念言若如
是無所損勅守門人喚入時耆域入詣長者
婦所問言何所患苦荅言患如是如是復問

病從何起荅言從如是如是起復問病來久
近荅言病來尔許時彼問已語言我能治汝
彼即取好藥以酥煎之灌長者婦鼻病者口
中酥唾俱出時病人即器承之酥便收取唾
別棄之時耆域見已心懷愁惱如是少酥不
淨猶尚慳惜况能報我病者見已問耆域言
汝愁惱耶荅言實尔問言何故愁惱荅言我
自念言此少酥不淨猶尚慳惜况能報我以
是故愁耳長者婦荅言爲家不易棄之何益
可用然燈是故收取汝但治病何憂如是彼
即治之後病得瘥時長者婦與四十万兩金
并奴婢車馬時耆域得此物已還王舍城詣

辭八

六

無畏王子門語守門人言汝往白王言耆域在外守門人即入白王王勅守門人喚入耆域入已前頭面禮已在一面住以前因緣具白無畏王子言以今所得物盡用上王王子言且止不須便為供養已汝自用之此是耆域最初治病

尔時拘睢彌國有長者子輪上嬉戲腸結腹內食飲不消亦不得出彼國無能治者彼聞摩竭國有大醫善能治病即遣使白王拘睢彌長者子病耆域能治願王遣來時泚沙王喚耆域問言拘睢彌長者子病汝能治不耆言能若能汝可往治之時耆域乘車詣拘睢彌耆域始至長者子已死妓樂送出耆域聞聲即問言此是何等妓樂鼓聲傍人答言是汝所為來長者子已死是彼妓樂音聲耆域善能分別一切音聲即言語使迴還此非死人語已即便迴還時耆域即下車取利刀破腹披腸結處示其父母諸親語言此是輪上

嬉戲使腸結如是食飲不消非是死也即為解腸還復本處縫皮肉合以好藥塗之瘡即愈毛還生與無瘡處不異時長者子即報耆域四十万兩金婦亦與四十万兩金長者父母亦尔各與四十万兩金耆域念言夫為師者須報其恩今持一百六十万兩金與德叉

餅八

七

粗

尸羅國大師賓迦羅念已持金詣師所頭面禮師足奉上此金唯願大師哀愍納受師曰便為供養已我不須此寶耆域慇懃至到賓迦羅乃受此金耆域奉辭禮足而去

尔時國中有迦羅越家女年十五臨當嫁日忽頭痛而死者域聞之往至其家問女父曰此女常有何病乃致夭亡父曰女小有頭痛疾日月增甚今朝發作尤甚於常以致絕命耆域便進以藥王照視頭中是有刺蟲大小相生乃數百枚鑽食其腦腦盡故死便以金刀刺破其頭悉出諸蟲封著甕中以三種膏塗瘡一種者補虫所食骨間之瘡一種生腦

一種治外刀瘡告女父曰好今安靜慎莫使驚七日當愈平復如故到日我當復來耆域適去女母便更啼哭曰我子為再死也豈有剜破頭腦當復活者父何忍使人取子尔耶父止之曰耆域生而把針藥棄尊榮位行作醫師但為一切人命此乃天之醫王豈當妄耶囑語汝言慎莫使驚而汝今反啼哭以驚動之將令此兒不復得生母聞父言止不復哭共養護之寂靜七日七日晨明女便吐氣而寤如從卧覺曰我今者了不復頭痛身體皆安誰護我者使得如是父曰汝前已死醫王耆域故來護汝破頭出虫以得更生便開嬰出蟲示之女見大更驚怖深自僥倖耆域神乃如是促得報其恩父曰耆域與我期言今日當來於是須臾耆域便來女歡喜出門迎頭面禮足長跪叉手曰願為耆域作婢終身供養以報更生之恩耆域曰我為醫師周行治病居無常處何用婢為汝必欲報恩

者與我五百兩金我亦不用此金所以求者凡人學道法當謝師師雖無以教我我嘗為弟子今得汝金當以與之女便奉五百兩金以上耆域耆域受以與師因白王暫歸省母到維耶黎國尔時國中復有迦羅越家男兒好學武事作一木馬高七尺餘日日學習魏

辭八

八

上初學適得上馬久久益習忽過去失據躡地而死者域聞之便往以藥王照視腹中見其肝反戾向後氣結不通故死復以金刀破腹手探料理還肝向前畢以三種神膏塗之其一種補手所攬持之處一種通利氣息一種主合刀瘡畢囑語父曰慎莫令驚三日當愈父承教勅寂靜養視至於三日兒便吐氣而寤狀如卧覺即便起坐須臾耆域亦來兒歡喜出門迎頭面作禮長跪白言願得為耆域作奴終身供養以報再活之恩耆域曰我為醫師周行治病病者之家爭為我使當用奴為我母養我勤苦我未有供養之恩報母

卿若欲謝我可與我五百兩金以報母恩於是取金以上柰女還歸羅閱祇國耆域治此四人馳名天下莫不聞知

又南有大國去羅閱祇八千里萍沙王及諸小國皆臣屬之其王疾病積年不差恒苦瞋恚睚皆殺人人舉目視之亦然低頭不仰亦

殺使人行遲亦殺疾走亦殺左右侍者不知當何措手足醫師合藥輒疑恐有毒亦殺之前後所殺傍臣宮女及醫師之輩不可稱數病日增甚毒熱攻心煩滿短氣如火燒身聞有耆域即爲下書勅萍沙王徵召耆域耆域聞此王多殺醫師大以恐怖萍沙又憐其年

辭八

九

幾

小恐爲所殺適欲不遣畏見誅伐父子相守晝夜愁憂不知何計尔時萍沙王乃將耆域俱往佛所頭面禮足而白佛言世尊彼王性惡惟恐殺醫師爲可往不佛告耆域汝宿命時與我約誓俱當救護天下我治內病汝治外病今我得佛故如本願會生我前此王病

篤遠來迎汝如何不往急往救護之好作方便令病必愈王不殺汝耆域便承佛威神往到王所診省脉理及以藥王照之見王五藏及百脉之中血氣擾擾悉是蛇蠱之毒周匝身體耆域白王王病可治治之保愈然宜入見太后諮議合藥若不見太后藥終不成王聞此語不解其故意甚欲怒然患身病宿聞耆域之名故遠迎之異必有益且是小兒知無他甚忍而聽之即遣青衣黃門將入見太后耆域白太后王病可治今當合藥宜密啓其方不可宣露宜屏左右太后即逐青衣黃門耆域因白太后向省王病見身中血氣悉是蛇蠱之毒似非人類王爲定是誰子太后以實語我我能治之若不語我我則治病不得愈太后曰我昔於金柱殿中晝卧忽有物來麗我上者我時恍惚若夢若覺狀如麗夢遂與通情忽然而寤見有大蠱長三尺餘從我上去則覺有娠王實是蠱子也我羞耻此

未曾出口童子今乃覺之何若神妙當用何藥耆域曰唯有醍醐耳太后曰出童子慎莫道醍醐而王大惡聞醍醐之氣又惡聞醍醐之名前後出口道醍醐而死者數千百人汝今道此必當殺汝以此飲王終不得下願更用他藥耆域曰醍醐治毒毒病惡聞醍醐王

病若微及是他毒為有餘藥可以愈之薑毒既重又已弔身體自非醍醐終不能消今當煎煉化令成水無氣無味王意不覺自當飲之藥下必愈無可憂也便出見王曰向入見太后已啓藥方今當合之十五日當成今我有五願王若聽我病可即愈若不聽我病不

辭八

十

可愈王問五願盡何等事

耆域曰一者願得王甲藏中新衣未歷軀者與我二者願得令我獨自出入宮門門無呵者三者願得日日獨入見太后及王后莫得禁訶我四者願王飲藥當一仰令盡莫得中息五者願得王八千里白象與我乘之王聞

大怒曰兒子何敢求是五願促具解之若不

能解今棒殺汝汝何敢求我新衣為欲殺我便著我衣詐我身耶

耆域曰合藥宜當精潔齋戒而我來日久衣被皆塵垢故欲得王衣以之合藥王意解曰如此大佳汝何故欲得自出入宮門令無禁

訶欲因此將兵來攻殺我耶

耆域曰王前後使諸師醫皆嫌疑之無所委信又誅殺之不服其藥群臣皆言王當復殺我而王病已甚恐外人生心作亂若令我自入不見禁訶外人大小皆知王信我必服我藥病必當愈則不敢生逆亂之心王曰大佳

辭八

十一

故欲日日入伺候火劑耳王曰大佳汝何故使飲藥一仰令盡不得中息爲欲內毒恐我覺耶耆域曰藥有劑數氣味宜當相及若其中息則不相繼王曰大佳汝何故欲得我象乘之此象是我國寶一日行八千里我所以威伏諸國正估此象汝欲乘之爲欲盜以歸家與汝父攻我國耶

耆域曰乃南界山中有神妙藥去此四千里王飲藥宜當即得此草重復服之故欲乘此象詣往採之朝去暮還令藥味相及王意大解皆悉聽之於是耆域煎練醍醐十五日成化如清水凡得五升便與太后王后俱捧藥出白王可服願被白象置殿前王即聽之王見藥但如水初無氣味不知是醍醐又太后身自臨合信其非毒便如本要一飲而盡耆域便乘象徑去還羅閱祇國

尔時耆域適行三千里耆域年小力瘠尚微不堪疾迅頭眩疲極便止息卧到日過中王

藥氣出聞醍醐臭便更大怒曰小兒敢以醍醐中我我怪兒所以求我白象正欲叛去王有勇士之臣名曰烏神足步行能及此象即呼烏曰汝急往逐取兒衆生將以還我欲目前捶殺之汝性常不廉貪於飲食故名爲烏此醫師輩多喜行毒若兒爲汝設食慎莫食也烏受勅便行及之於山中曰汝何故以醍醐中王而云是藥王故令我追呼汝還汝急隨我還陳謝自首庶可望活若故欲走令必殺汝終不得脫耆域自念我方便求此白象復不得脫今當復作方便何可隨去乃謂烏言我朝來未食還必當死寧可假我須臾得於山間啖果飲水飽而就死乎烏見耆域小兒畏死懼怖言辭辛苦憐而聽之曰促食當去不得久留耆域乃取一梨齧食其半以毒藥著爪甲中以分餘半便置於地又取一盃水先飲其半又行爪下毒於餘水中復置於地乃歎曰水及梨皆是天藥既清香且美其

辭八

十二

觀

飲食此者令人身安百病皆愈氣力兼倍恨其不在國都之下百姓當共得之而在深山之中人不知也便進入山索求他果烏性既貪不能忍於飲食又聞耆域歎為神藥亦見耆域已飲食之謂必無毒便取餘黎食盡飲餘水便下痢痢如注水躡地而卧起輒眩倒不能復動耆域曰王服我藥病必當愈然令藥力未行餘毒未盡我今往者必當殺我汝無所知起欲得我以解身負故使汝病病自無苦慎莫動搖三日當差若起逐我必死不疑便上象而去

耆域則過墟聚語長伍曰此是國王使今忽得病汝等急往昇取歸家好養護之厚其床席給與糜粥慎莫令死死耆王滅汝國語畢便去遂歸本國長伍承勅迎取養護三日毒歇下絕烏便歸見王叩頭自陳曰我實愚癡違負王教信耆域言飲食其餘水果為其所中下痢三日始今旦瘥自知當死比烏還三

日之中王病已瘥王自追念悔遣烏行見烏來還且悲且喜曰賴汝不即將兒來當我志時必當捶殺我得其恩命得生活而反殺之逆戾罪不細也即料前後所柱殺者悉更厚葬復其家門賜與錢財思見耆域欲報其恩即遣使者奉迎耆域耆域雖知王病瘥猶懷

辭八

十三

魏

餘怖不復欲往
爾時耆域復詣佛所接足頂禮而白佛言世尊彼王遣使來喚為可往不佛告耆域汝本宿命已有弘誓當成功德何得中止今應更往汝已治其外病我亦當治其內病耆域便隨使者去王見耆域甚大歡喜引與同坐把持其臂曰賴蒙仁者之恩今得更生當何以報當分國土以半相與宮中妹女庫藏寶物悉當分半幸願仁者受之
耆域曰我本為太子雖是小國亦有民人珍寶具足不樂治國故求為醫當行治病當用土地妹女寶物為皆所不用王前聽我五願

外病已愈今若聽一願內病可復除愈王曰
唯聽仁教請復聞一願之事

耆域曰願王請佛從受明法因為王說佛功
德巍巍特尊王聞大喜曰今欲遣烏臣以白
象迎佛可得致不耆域曰不用白象佛皆一
切遙知人心所念但宿齋戒清淨供具燒香

遙請向佛作禮長跪白請佛必自來王如其
言佛明日與千二百五十比丘俱來飯食已
畢為王說經王意開解便發無上正真道心
舉國大小皆受五戒恭敬作禮而去

又柰女生既奇異長又聰明從父學問博知
經道星歷諸術殊勝於父加達聲樂音如梵

天諸迦羅越及梵志家女合五百人皆往從
學以為大師柰女常從五百弟子讚授經術
或相與遊戲園池及作音樂國人不解其故
便生譏謗呼為姪女五百弟子皆号姪黨又
柰女生時國中復有須曼女及波曇女亦同
時俱生須曼女者生於須曼華中國有迦羅

越家常拏須曼以為香膏拏膏石邊忽作瘤
節大如彈丸日日長大至如手拳石便卒破
見石節之中有聚聚如熒火射出墮地三日
而生須曼又三日成華華舒中有小女兒迦
羅越取養之名曰須曼女長大姝好及才明
智慧亞次柰女

解八

十四

疏

尔時又有梵志家浴池中自然生青蓮華華
特加大日日長益如五斗瓶華舒中見有女
兒梵志取養之名波曇女長大又好才明智
慧如須曼女諸國王聞此二女顏容絕世交
來求娉之二女曰我生不由胞胎乃出草華
之中是與凡人不同何宜當隨世人乃復嫁

耶聞柰女聰明容貌絕世無與譬者人生與
我同體皆辭父母往事柰女求作弟子明經
智慧皆勝此五百人

尔時佛入維耶黎國柰女便率將弟子五百
人出迎佛頭面作禮長跪白言願佛明日到
我國中飯食佛嘿然受之柰女還歸辦其供

具佛進入城國王又出宮迎佛禮畢長跪請佛願明日到宮飲食佛言柰女向已前請王後之矣王曰我爲國王至心請佛必望依許柰女但是姪女日日將從五百姪弟子行作不軌何爲捨我而應其請

尔時世尊即告王曰此女非姪女其宿命有

大功德已供養三億佛昔又曾與須曼女俱爲姊妹柰女最大須曼次之波曇最小生於大姓家財寶饒富姊妹相率供養五百比丘尼日日施設飲食及作衣服隨所之無皆悉供足盡其壽命三人常發誓言願我後世逢佛得自然化生不由胞胎遠離垢今如本

解八

十五

釋

願生值我時又昔雖供養比丘尼然其作豪富家兒言語憍逸時時或戲笑比丘尼曰諸道人於悞日久必當欲嫁迫有我等供養檢押不得放恣情意取故今者受此餘殃雖日讀經行道而虛被誹謗此五百弟子時亦并力相助供養同心歡喜今故會生果復相隨

耆域尔時爲貧家作子柰女供養意甚慕樂而無資財乃常爲比丘尼掃除掃除潔淨已輒發誓念言令我能掃除天下人身病穢如是使耶柰女憐其貧窮又加其勤力常呼爲子其比丘尼有疾病時常使者域迎醫及合湯藥日令汝後世與我共獲是福耆域迎醫所治悉愈乃誓曰願我後世爲大醫王常治一切人身四大之病所向皆愈昔宿日因緣今故爲柰女作子皆如本願王聞佛語乃長跪悔過却期後日佛明日便與諸比丘到柰女園具爲說本願功德三女聞經開解并五百弟子同時歡喜出家修行精勤不懈皆得阿羅漢道佛告阿難汝當受持爲四衆說莫令斷絕一切衆生慎身口意勿生憍慢放逸柰女往昔時調戲比丘尼故今被姪謗汝當修行身口意業恒發善願聞者隨喜信樂受持莫生誹謗墮於地獄餘報畜生經百千劫復報爲人貧窮下賤不聞正法邪自家生恒

值惡王身不具足汝當修行受持讀誦盡未來際常使不絕

余時阿難從座而起誓首禮足長跪合掌白佛言世尊此法之要當名何經佛語阿難此經名曰柰女耆域因緣經修行法用如上供養比丘比丘尼施藥迎醫隨喜發誓今獲果報如是受持佛說經已大衆人民天龍八部聞佛所說歡喜奉行

十六末

佛說柰女耆域因緣經

辭八

果菴下音反音一注苦澀字福祚下音反音澶音督音師範音既上音反音一注苦澀字澶音督音師範音

犯其杪下音反音美音棧閣上音反音求音娉音紛紜二音云萍沙上音反音嬉戲上音反音金環下音反音除屏下音倫匹下音反音隣比下音反音愕然上音反音徑入上音反音愴然上音反音然上音反音矜上音反音闍上音反音嫡子上音反音襲上音反音適上音反音詩上音反音塵上音反音恍惚上音反音縫上音反音創上音反音枚鑽上音反音拮据上音反音拮据上音反音拮据上音反音

頭眩下音反音鬪上音反音中上音反音噫氣上音反音僂倖上音反音料理上音反音

幸音攬持上音反音皆上音反音反音探上音反音料上音反音

察音詆省上音反音棒上音反音魔上音反音劑數上音反音本上音反音力上音反音

睨上音反音伺候上音反音魔上音反音劑數上音反音本上音反音力上音反音

聞上音反音棒上音反音魔上音反音劑數上音反音本上音反音力上音反音

睨上音反音伺候上音反音魔上音反音劑數上音反音本上音反音力上音反音

睨上音反音伺候上音反音魔上音反音劑數上音反音本上音反音力上音反音